



10. Maj 2019

UPA 2019/189
Aqqalu C.Jerimiassen

Nunaqarfinni innuttaasut peqqinnissaqarfiup allalluunniit assingusumik piginnaaneqartut ingerlatassaannik inuunernik peqqinnermillu annaassiniarluni ikiueqqaarnernik pikkorissartinneqartalernissaannik pisariaqartitsinernik periarfissanillu Naalakkersuisut peqquneqarnissaannik Inatsisartut aalajangiffigisassaatur siunnersuut. Misissuineq ukioq 2019 naatinnagu qanoq aningaasalersorneqarnissaanut pisariaqartitsinerit periarfissallu Inatsisartunut saqqummiunneqassaaq.

(Inatsisartunut ilaasortaq Doris J. Jensen, Siumut)

Toqqissisimalluni inuunissaq tamani pingaernerpaajuarpoq tamatsinnut. Naliginnaanerpaalluunniimmi ilaat eqqaassagaanni tupittoqartillugu ikiueqqaarnermut ilinniarsimasumik peqartinnagu anernissaarulluni toqusoqaratarsinnaammat. Maannalumi ingerlanneqarluartareersoq nunatsinni ikiueqqaarnermut pikkorissaasarneq suli siammasinnerusumik ingerlanneqarsinnaanera Atassummiik aporfissaqartinngivipparput.

Sineriarujussuarmi najugaqarpugut angeqisumi, innuttaasullu qitiutillugit sulinissarput taamaattumik qaqugukkulluunnit atuuttussaavoq, tassinissarlumi peqqiilliulertortatta ikiorneqartarsinnaaneri inoqarfinni nakorsat peqqissaasulluunnit peqanngiffiini siunertaq ajunngilluinnartuuvoq. Uummammik unittoortunut, ipisimasunut ikilerujussuarsimasunullu ikiuigasuarsinnaaneq inuup inuuneranik annaassinermik naleqarsinnaavoq.

Sillimaniarneq ataatsimut tamaat isigalugu inoqarfinni minnerusuni najugaqartortagut pitsaanerusumik atugassaqartikkusullugittaaq siunnersuut Atassummiik taperserparput.